

**Naqqiut**

(UPA 2024/22-mut saqqummiussinnermut allakkiaq aamma UPA 2024/50-imut akissutaasoq allakkiangortillugu annertusisinnerparpoq)

**Siunnersuut uunga: Utoqqalinersiaqarneq pillugu Inatsisartut inatsisaata allanngortinnerqarneq pillugu Inatsisartut inatsisaat**

(Isumaginninnermut, Ilaqutariinut, Suliffeqarnermut Nunamullu Namminermut Naalakkersuisoq)

**Isertitat annertussusaat malillugit utoqqalinermit soraarnerussutisiat ilanngarneqartarunnaarlutilluunniit atorunnaarsinnerqartarunnaarsillugit,**

**Naalakkersuisut utoqqalinersiaqarneq pillugu Inatsisartut inatsisaannut allannguutissatut siunnersuummik suliaqarnissamik peqquneqarnissaannik**

**Inatsisartunut aalajangiiffigisassatut siunnersuut.**

(Inatsisartunut ilaasortaq Mariane Paviasen, Inuit Ataqatigiit)

**Saqqummiussissut akissuteqaallu**

(Isumaginninnermut, Ilaqutariinut, Suliffeqarnermut Nunamullu Namminermut Naalakkersuisoq)

**Siullermeenera**

Naalakkersuisut sinnerlugit Utoqqalinersiaqarneq pillugu Inatsisartut inatsisaannut allannguutissatut siunnersuut saqqummiutissavara.

Saqqummiussinnermut allakkiap aamma imaraa aalajangiiffigisassatut siunnersuummut UPA 2024/50-imut, Isertitat annertussusaat malillugit utoqqalinermit soraarnerussutisiat ilanngarneqartarunnaarlutilluunniit atorunnaarsinnerqartarunnaarsillugit, Naalakkersuisut utoqqalinersiaqarneq pillugu Inatsisartut inatsisaannut allannguutissatut siunnersuummik suliaqarnissamik peqquneqarnissaannik Inatsisartunut aalajangiiffigisassatut siunnersuummut akissut.

Naalakkersuisut utoqqaat pillugit periusissiaannut ilaasutut UKA 2023/26-mik siusinaartumik pensionisialinnut utoqqalinersialinnullu pilersuisussaaqatigiinneq atorunnaarsinniarlugu Naalakkersuisut siunnersuummik saqqummiussipput. Siunnersuut Inatsisartunit isumaqatigiittunit akuersissutigineqarpoq.

Ajoraluartumik utoqqalinersiallit eqimattat immikkut ittumik kisermaanut tapeqarnermiit appasinnerusumut aappaqartumut tapeqarnermut nuunneqarnerannik siunnersuut siunertarineqanngitsumik kinguneqarpoq. Siunnersuummut tamanna siunertarineqanngilaq. Naalakkersuisunit kissaatigineqanngilaq utoqqalinersiallit annikinnerusumik pensioneqarnissaat.

Taamaattumik Naalakkersuisut siunnersuut manna iluarsisaaq saqqummiuppaat, isertitakinnerpaat utoqqalinersianik qaffasinnerusunik suli tiguisarnissaat qulakkeerniarlugu, soorlu 2023-mi taamatut pisoqartoq. Peqatigalugu siunnersuutip malittarisassat 2023-mut sanilliullugit pisariinnerulersissavai.

Utoqqalinersialik aappaalu utoqqalinersiat saniatigut sulinissaat suli periarfissaavoq.

Utoqqalinersiallit aapparisaat qanorsuaq isertitaqarsinnaapput utoqqalinersiat appariartinneqanngikkaluarlutik. Aappaasut piffissaq tamakkerlugu ilaannakortumilluunniit suliniarlutik kissaateqartut, utoqqalinersianik appariartuaartitsoqanngitsumik sulisinnaanerat Naalakkersuisunut ersarissassallugu pingaaruteqarpoq. Taamaattumik pilersuisussaaqatigiinnertalimmik soqanngilaq.

Taamatut oqaaseqarlutik Naalakkersuisut immikkoortoq Inatsisartunut suliassanngortippaat.

Inuit Ataqaatigiinnit Inatsisartunut ilaasortap Mariane Paviasenip utoqqalinersiallit pillugit Inatsisartut inatsisaata allanngortinnissaa siunnersuutigisimavaa, taamaalilluni isertitat annertussusaasa nassatarisaannik utoqqalinersiat ikilisinneqarsinnaajunnaarlutik, imaluunniit atorunnaarsinnaatitaajunnaarlutik.

Siunnersuuteqartoq malillugu malittarisassiat utoqqaat sulinissamut pisinnaatitaaffigisaannik piumassuserisaannillu killiliipput.

Maannakkut malittarisassiat utoqqalinersiallit amerlanerpaartaannut sulinissamut periarfissiipput, aammalu utoqqalinersiat amerlassusaasigut ilanngaateqarani utoqqalinersiat saniatigut isertitaqartitsillutik.

Sapinngisamik pitsaanerpaamik oqallinnissaq qularnaarniarlugu Naalakkersuisut isumaqarput siunnersuummi inuiaqatigiinnut tunngasutut kingunerisinnaasanik sianiginneqqusinissaq Naalakkersuisut akisussaaffigigaat.

Maannakkut malittarisassiat tassaapput utoqqalinersiallit akornanni annertunerusumik naligiissoqarnermik pilersitsisussat, taamaaliornikkut utoqqalinersiallit isertitaqaratilluunniit appasinnerpaanik isertitallit sapinngisamik annertunerpaamik utoqqalinersianik pissarsisarsinnaanissaat qularnaarniarneqarluni. Taamaalisukkut utoqqalinersiallit annertunerpaanik isertitaqartut utoqqalinersiaasigut ilanngaavigineqartarnerat malittarisassiat aamma nassataarat.

Maannakkut malittarisassiat inuiaqatigiinni akuuffigisatsinni naligiissuunermik qulakkeerineqataapput. Isertitaqqortunerpaanut ilanngaateqartarneq peerneqarpat naligiissuunnginneq malunnartumik annertuseriassaaq. Inuiaqatigiinni pisuujuunerpaat suli pisuunngoqqinnerussapput. 2023-mi Inatsisartut ukiakkut ataatsimiinneranni pilersuisussaaqatigiinnerup atorunnaarsinneratigut tamanna aamma pivoq.

Inuiaqatigiit annertusiartuinnartumik naligiissoqanngiffiusoq aallaaviatigut Naalakkersuisut kissaatiginngilaat, siunnersuutillu naligiissuunnginneq suli annertusassavaa.

Allat amma pingaarutilittut ilaasut tassaapput aningaasaqarnikkut kingunerisinnaasat. Ukiuni takkuttussani utoqqalinersianut aningaasartuutit malunnartumik amerleriartussaapput. Utoqqalisut amerliartortuupput, taamaattumillu utoqqalinersiallit amerliartorlutik. Qujanartumik utoqqalinersiallittatta inuuneqqortusiartornissaat naatsorsuutigineqarpoq.

Taamaattorli utoqqalinersiallit sulerusuttut sapinngisamik pitsaanerpaanik periarfissanik peqarnissaat pingaartuusoq Naalakkersuisut aamma isumaqarfigaat. Taamaattumik utoqqalinersianik iluarsaaqqinnermi takkuttussami suliامي nangitami utoqqalinersialinnut isertitanut killingititanik piigaqarnissaq pillugu siunnersuut Naalakkersuisut ilaatikkusuppaat.

Tamanna tunngavigalugu Naalakkersuisut allannguutissat siunnersuummik saqqummiussaqarput: **Utoqqalinersialinnut isertitani killingititanik piigaqarneq pillugu siunnersuummi kingunerisassanik Naalakkersuisut naatsorsueqqullugit peqquneqassasut. Naatsorsuusiart kingusinnerpaamik Inatsisartut 2024-mi ukiakkut ataatsimiinneranni Inatsisartunut saqqummiunneqassapput.**